

經

義

述

聞

經義述聞第二十一

高郵王引之

國語下九十八條

君知成之從也未知其待於曲沃也 夫子誠之 蒸
子武公 伯氏不出 而難三公子之徒 鮮有慢心
雖其慢 濟其罪 吾秉君以殺大子 唯無忌之
申生受賜以至于外 宗國 其有勤也 桓公在嬪
宋人伐之 臧蠱 里丕外禍公隕於韓 不更厥貞
苟衆不說 若無天乎云 敏而有文 約而不詔
苟 畏黷敬也 十月 迎公 甲午軍于廬柳
千二命 公懼 匡困資無 宋衆無乃彊乎 歸瘠

不可使言聾聵不可使聽 惠慈二蔡 喙賤脩聲
以爲大政 冀缺耦 戰 余病喙 以愁御人 使
勿兜 是先主覆露子也 過由大 君臣不相聽
圍公 刑史 二月乙酉 使呂宣子佐下軍 至故以
旄季屏其宗 子孫 聰敏肅給 道逆 使佐新軍
比義 女工妾 厚其外交而勉之 及爲成師
置茅蕝設望表 木楗 文錯其服 五日 諄趙鞅
尋飯 是天啟之心也 淳燿 民煩 若合而函
吾中 颺席 吾不服諸夏而獨事晉 廷見 師長
士 懿戒 右執殤宮 象夢 心類德音 自誥

兄遠宣朗 齊肅 滯久而不震 勤民以自封 聞
一善 憲臧否 既能得入 從逸 於其心也戚然
不敢左右 獵震也 奮其朋勢 士卒 官師
諄鈞 天子 許諾 蒲葦 遷軍接餽 載稻與脂
是故敗吳於固又敗之於浚又郊敗之 天地之刑
四年 上帝不考 至於元月 用人無藝往從其
所

君知成之從也未知其待於曲沃也

晉語武公伐翼殺哀侯止欒其子曰苟無外吾令子爲
上卿辭曰君知成之從也未知其待於曲沃也從君而

貳君焉用之引之謹案上二君字皆指哀侯下一君字

乃指武公待止也

爾雅止待也廣雅止待逗也論語微子篇齊景公待孔子史記孔子世家

作止孔子魯語其誰云待之說苑正諫篇作其誰能止之是待與止同義

言哀侯未外時但

知其從哀侯而未知其止於曲沃爲武公臣也既從哀

侯又貳於武公故曰從君而貳也定元年左傳子家羈

曰若羈也則君知其出也而未知其入也語意正與此

同皆謂無以對外君耳韋氏不得其解乃曰君武公也

言君知成將外其君爲從臣道也故使止臣未知成不

外而待君於曲沃之爲貳也迂回而難通矣

夫子誠之

俗本之作也因注而誤今從明道本

韋注曰夫子郭偃也其言皆誠也引之謹案下云抑二大夫之言其皆有要注云二大夫史蘇郭偃也二大夫兼指郭偃則此夫子非謂郭偃也今案夫子謂里克也上文里克曰何如是問史蘇之詞於是史蘇郭偃相繼告之士為漢信其言而欲里克豫為之備故謂里克曰夫子誠之下文驪姬欲殺太子立奚齊而患里克不從使優施說之則當時里克權重可知故豫誠之責首在里克也

蒸于武公

韋注曰武公獻公之禰廟也在曲沃引之謹案武公之

廟在絳不在曲沃周語曰襄王使賜晉文公命晉侯郊

勞館諸宗廟及期命於武宮韋注武公之廟此受命於絳之宗

廟非受命於曲沃之宗廟也其證一也下章說秦伯納

文公云丙午入于曲沃丁未入于絳卽位于武宮卽位

于武宮在入于絳之下不在入于曲沃之下其證二也

下章說悼公卽位云乃盟而入辛巳朝于武宮入者入

于絳也則朝于武宮亦在絳明矣其證三也且奚齊處

絳上文已明箸之矣則蒞事于武宮亦在絳可知何爲

遠適曲沃乎韋謂武公之廟在曲沃者蓋以左傳僖二

十四年丙午入于曲沃丁未朝于武宮一文相連故謂

武宮在曲沃不知彼文丁未下亦當有入于絳三字。夏
者脫之耳。說見左傳武宮在絳不在曲沃也。若謂朝于武宮
遠在曲沃則絳爲國都何以反無宗廟可朝乎。韋氏不
考本書之入于絳卽位于武宮而據內傳殘闕之文以
爲說非也。又案韋注云獻公之禰廟也則正文武公當
作武宮。

伯氏不出

伯氏不出奚齊在廟。韋注曰賈唐皆云伯氏申生也。一
云伯氏狐突也。昭謂是時狐突未杜門故以伯氏爲申
生。伯氏猶言長子也。引之謹案下文子盍國乎。子謂申

生也不得又謂之伯氏且申生未嘗杜門不得謂之不出也當以一說爲是上文云公將黜太子申生而立奚齊里克丕鄭荀息相見里克曰夫史蘇之言將及矣其若之何則已在大子申生反自稷桑之五年獻公之二十一年矣知者反自稷桑之五年里克見丕鄭曰夫史蘇之言將及矣優施告我君謀成矣將立奚齊見下文與上文云云相同則同在一時可知狐突杜門不出在獻公十七年見直至二十一年猶不出故是年太子申生將厥使猛足言於狐突曰伯氏不出奈吾君何也烝于武公奚齊莅事文次三大夫相見之下蓋卽在二十

一年之孟冬

冬祭日

下距申生之歿不及三月

申生歿於是年之季

冬姚氏秋農日

左傳僖四年大子申生奔新城十二月

戊申繼晉用夏正

乃下年二月二十八日故經書于明

年

正當狐突不出之時故猛足曰伯氏不出奚齊在廟

也必言伯氏不出者因狐突之避難而知難之將作也

國語雜記晉事不皆以年之先後爲次狐突杜門不出

事在前而文在後伯氏不出奚齊在廟事在後而文在

前猶上文公將黜大子申生而立奚齊亦事在後而先

言之也

惠公悔殺里克在既殺里克之後而下文先言

克蒐于被廬

作三軍在文公二年蒐于清原作五軍在

八年而下文先言蒐于清原

作五軍後言大蒐于被廬

作三軍皆不以

年之先後爲次韋云是時狐突未杜門殆考之不審耳

而難三公子之徒

吾欲作大事而難三公子之徒如何

難忠也言所忠者三公子也說見左

傳非無賄之難下

韋注曰三公子申生重耳夷吾也引之謹案

之徒二字衍文也下文曰發處之使知其極謂分三公子以都城也又曰驪姬曰吾欲爲難安始而可優施曰必於申生又曰是故先施讒於申生又曰夫曲沃君之宗也蒲與二屈君之疆也不可以無主若使大子主曲沃而二公子主蒲與屈乃可以威民而懼戎又曰乃城曲沃大子處焉又城蒲公子重耳處焉又城二屈公子夷吾處焉皆謂離間三公子非謂去三公子之黨也不

得云三公子之徒下文里克告荀息曰三公子之徒將殺孺子韋注始云徒黨也而此不釋徒字則所據本無之徒二字明甚。

鮮有慢心雖其慢

夫人知極

俗本極上行有字宋本無

鮮有慢心雖其慢乃易殘也韋

注鮮有慢心曰言人自知其極則戒懼不敢違慢覬欲也引之謹案鮮有慢心則不慢矣何以又云慢乃易殘上下相反非其原文也今案鮮下當有不字雖當讀曰唯言人知其位已極則志足意滿鮮不有怠慢之心唯其怠慢乃有釁可乘易於殘毀也韋作注時已脫不字

故失其本指而以爲不敢違慢耳古字雖與唯通詳見禮記已雖小功下

濟其罪

若不勝狄雖濟其罪可也韋注曰濟渡也以不勝罪之家大人曰渡其罪之語不詞疑本作濟成也而後人妄改之周語晉語楚語吳語注並云濟成也爾雅濟成也謂以不勝成其罪

吾秉君以殺大子

吾秉君以殺大子吾不忍韋注曰秉執君志以殺大子不忍爲也引之謹案逸周書諡法篇曰秉順也言大子君之所欲殺也吾順君之意以殺大子吾不忍也故曰

吾秉君以殺夫子吾不忍韋注失之

唯無忌之

且人中心唯無忌之何可敗也韋注曰言驪姬唯無忌憚之心執之已固何可敗也家大人曰如韋注則正文之字下當有固字謂其無忌憚之心已固不可敗也今本脫固字則文不成義且與何可敗也義不相屬

申生受賜以至于外

引之謹案至于二字義不可通蓋因上文不聽伯氏以至于外而行

宋明道本已然

檀弓作申生受賜而然而猶以也

宗國

宗國既卑諸侯遠巴內外無親其誰云救之韋注曰宗國公族也引之謹案公族不得稱宗國宗國謂周也猶言宗周云爾宗國既卑謂王室微弱隱十一年左傳王室而既卑矣是也內外無親內謂王室外謂諸侯王室既卑則不能救號諸侯遠之則不肯救號故曰其誰云救之

其有勤也

君無懼矣

明道本如是今本矣作焉非

其有勤也韋注曰有勤曰勤

勞也

明道本如是今本自作有涉正文而誤

家大人曰注解其有勤也句

未明有與又同也與邪曰

古書通以有爲又也爲邪說見釋詞上文宰孔

謂獻公曰君可無會也又言齊侯不暇以晉爲務故此云君無懼矣其又勤邪言不必勤於遠行也僖八年左傳載宰孔之言曰君務靖亂無勤於行意與此同

桓公在殯宋人伐之

葵邱之會獻公將如會遇宰周公云云是歲也獻公卒八年爲淮之會桓公在殯宋人伐之韋注曰八年葵邱後八年也桓公復會諸侯於淮在魯僖十六年魯僖十七年冬齊桓公卒五公子爭立太子奔宋宋襄公伐齊納之是爲孝公引之謹案桓公在殯上當有九年二字左傳僖十七年冬十月乙亥齊桓公卒十二月辛巳夜

殯十八年春宋襄公以諸侯伐齊夏五月宋敗齊師于
鹹立孝公而還秋八月葬齊桓公是桓公在殯宋人伐
之之事也案晉用夏正僖十八年春宋襄公伐齊經書
春王正月則當爲晉惠公之八年十一月周之正月夏
之十一月也晉獻公以二十六年卒見下文自二十六年
至惠公八年爲九年在會于淮之後一年不得仍屬之
八年也當云九年桓公在殯宋人伐之寫者脫去九年
二字耳

惑蠱

將以驪姬之惑蠱君而誣國人韋注曰蠱化也家大人

曰蠱亦惑也左傳莊二十八年楚令尹子元欲蠱文夫人宜八年晉胥克有蠱疾皆謂惑也昭元年醫和論蠱疾曰非鬼非會惑以喪志又曰在周易女惑男風落山謂之蠱又曰淫則生內熱惑蠱之疾哀二十六年大尹惑蠱其君是蠱卽惑也古人自多複語不必分爲二義

里丕夙禍公隕於韓

里丕夙禍公隕於韓韋以里丕夙絕句注云惠公二年春殺里克秋殺丕鄭下文禍公隕於韓注云禍貪忤之禍秦伐晉戰於韓獲惠公以歸隕其師徒在魯僖十五年家大人曰禍字或自爲一句或下屬爲句皆文不成

義當以里不舛禍為句舛禍謂舛於禍里不舛禍猶周語言卻至舛難

即上文所云巷田不懲禍亂其興也或謂韋注禍貪快

不舛禍之下後人誤移置於公頃於韓之下非也上文

喪田不懲禍亂其興禍字韋氏無注而此禍字獨有注

明是以此禍字為惠公隕於韓之禍與上文禍亂其興

謂里不見殺者不同故特注以明之也且上文得國而

狃終逢其咎韋注曰謂惠公也狃快也此云禍貪快之

禍則貪快二字明指惠公而言非指里不然則禍貪快

之禍五字本在公隕於韓之下非後人移

置明矣此韋氏之誤不必曲為之諱也

不更厥貞

不更厥貞大命其傾韋注曰不變更其正引之謹案不

變更其正則當為鬼神所祐矣何以大命反傾乎韋說

非也今案更者償也報也夏官馬賁馬舛則旬之內更

淮南詮言篇功之成也不足

更責鄭衆高誘注並云更償也呂氏
春秋有報更篇所言皆報德之事
上文貞之無報也

賈唐云貞正也謂惠公欲以正禮改葬世子而不獲吉
報也此云不更厥貞亦謂不報厥貞也行正禮而不償
以吉祥則鬼神之不祐可知矣故下文遂曰大命其傾
也

苟厭不說其君之不報也

苟厭不說其君之不報也則有辭矣韋注曰苟使晉厭
不說惠公不報秦施今不予糴則晉得以爲辭故不可
不予家大人曰韋以苟厭不說其君之不報也作一句
讀非也苟厭不說爲句不說謂不說秦也言秦不予糴

則晉眾不說下文曰不若子晉眾不說則其君之不報施有辭也若以不說爲不說惠公則不得言其君有辭矣

若無天乎云

秦穆公曰殺其內主背其外略彼塞我施若無天乎云若有天吾必勝之韋斷云字上屬爲句注曰云言也晉所行若言無有天也家大人曰若無天乎云文不成義且與下二句不相聯屬云字當在下文若字下而以若無天乎爲一句若云有天爲一句魏志公孫淵傳淵令官屬上書自直於魏云若無天乎臣一郡吉凶尙未可

知若云有天亦何懼焉若無天乎若云有天皆用晉語
文蓋所見本云字在若字下也穆公之意以爲若無天
則勝負尚未可知若有天則吾必勝之也若無天乎之
下不更贅一語者下文明言若云有天吾必勝之義見
於下故文省於上也晉語記申生之言曰伯氏不出柰
吾君何伯氏苟出而圖吾君申生受賜以歾今本歾上
衍至于二
字辨見
國語雖外何悔檀弓記其言則曰伯氏不出而圖吾
君伯氏苟出而圖吾君申生受賜而歾伯氏不出而圖
吾君之下不更贅一語亦是義見於下而文省於上也

敏而有文

且晉公子敏而有文章注曰敏達也文有文辭

俗本作有文章

誤茲從宋明道本

引之謹案敏而有文本作敏而文因注而衍

有字也晉語但言文故注云文有文辭第七篇公以趙文子爲文也注曰文有文德是其例也僖二十三年左傳作晉公子文而有禮文上亦無有字襄三十一年傳于大叔美秀而文中庸曰簡而文文義竝與此同

約而不諂

約而不諂韋解約字曰在約困之中家大人曰約如以約失之者鮮矣之約言雖自斂約而不諂屈於人也大戴禮文王官人篇曰其色儉而不諂儉亦約也僖二十

三年左傳曰晉公子廣而儉文而有禮語意略與此同
皆就晉公子之行事而言若以約爲在約困之中斯爲
不類矣

苟 依

凡黃帝之子二十五宗其得姓者十四人爲十二姓姬
酉祁已滕箴任苟僂姑偃依是也路史疏仡紀苟作苟
云苟國語史記皆作苟非史記五帝紀集解單行本索隱皆作苟後人以誤本國語
改之又國名紀曰戰國有苟變子思薦之引之謹案路

史苟作苟是也元和姓纂苟國語黃帝之後漢有苟寶
苟參荀周文王第十七子郇侯之後以國爲氏後去邑

爲荀廣韻荀姓出河內河南西河三豎國語云本自黃
帝之子漢有荀參古厚切荀本姓郇後去邑爲荀今出
潁川相倫切是荀姓爲文王之後荀姓爲黃帝之後且
元和姓纂及廣韻引國語竝作荀不作荀也軒轅黃帝
傳亦作荀又潛夫論志氏姓篇荀作拘拘荀古聲相近
故荀通作拘也路史曰國語作荀非則所見已是誤本
矣又案倭當作衣今本作依者因上文僂字而誤加人
旁耳考潛夫論正作衣史記五帝紀集解單行本索隱
引國語竝作衣鄭注中庸曰今姓有衣者廣韻衣字云
姓出姓苑而依字不以爲姓則國語之本作衣益明矣

畏黷敬也

同姓則同德同德則同心同心則同志同志雖遠男女不相及。畏黷敬也。家大人曰。黷敬二字。義不相屬。娶妻不娶同姓者。畏其黷倫。非畏其黷敬。敬當爲故字之誤也。言同姓之所以男女不相及者。畏其褻黷故也。韋注云。畏褻黷其類。但釋畏黷二字。而不及敬字。下文黷則生怨云云。亦但承黷字言之。而不及敬字。則敬爲誤字明矣。文選女史箴。驩不可以黷。但言黷而不言黷敬。故李善注引此文。男女不相及。畏黷故也。以釋驩不可黷之意。今本注文作畏黷敬也。則與正文不合。蓋後人以

誤本國語改之也。左傳僖二十三年正義引此正作畏
黷故也。昭元年正義故作敬。乃明監本所改。宋慶元本
正作故。

十月 十二月

十月惠公卒。十二月秦伯納公子韋。注曰。內傳魯僖公
二十三年九月晉惠公卒。而此云十月。賈侍中以爲閏
餘十八。閏在十二月後。魯失閏。以閏月爲正月。晉以九
月爲十月。而置閏也。秦伯以十二月始納公子。公子以
二十四年正月入晉。桑泉引之謹案。十月當爲七月。十
二月當爲十一月。蓋晉用夏時。故月與周異。內傳之僖

公二十三年九月晉惠公卒二十四年春王正月秦伯

納之

謂納公子重耳

周月也周之九月爲夏之七月正月爲夏

之十一月故內傳曰九月而此曰七月內傳曰正月而

此曰十一月也杜預春秋後序曰汲冢古書紀年篇特

記晉國起自殤叔次文侯昭侯以至曲沃莊伯莊伯之

十一年十一月魯隱公之元年正月也皆用夏正建寅

之月爲歲首僖五年左傳晉卜偃說滅虢之曰曰其九

月十月之交乎而傳終之曰冬十二月丙子朔晉滅虢

漢書律厯志以爲言厯者以夏時故周十二月夏十月

也是其例也賈韋二君誤以周月爲解故不能正傳寫

之譌而內外傳之紀月遂齟齬而不合矣。

迎公

董因迎公於河家。大人曰迎。本作逆。此後人以意改也。凡內外傳例言逆公。不言迎公。太平御覽方術部九引此正作逆。

甲午軍于廬柳

韋注曰甲午魯僖二十四年二月六日引之。謹案內傳作二月甲午。則此當云十二月甲午。周之二月夏之十二月也。寫者脫去十二月三字耳。或曰校書者誤謂與上文十二月相複而刪之也。

于二命 非其官也而于之

若干二命以求殺余韋注曰于犯也家大人曰奉二君

之命以殺文公不得謂之犯命于猶與也

與今作預言汝與

於二君之命以求殺余也于古通作閒

音閒聘禮記皮馬相閒鄭注古

文閒作于鄭語姜嬴荆莒實與諸卿代相于也韋注言更相犯閒

左傳莊十年肉食者

謀之又何閒焉昭二十六年諸侯釋位以閒王政杜注

竝云閒猶與也閒于古同聲故後世有于與之語又下

文邢侯非其官也而于之注曰于犯也家大人曰于亦

與也殺有罪者司寇之事邢侯非其官而與之故曰于

公懼

公懼遽見之家大人曰懼字涉下文公懼而行此時伯楚尚未以呂卻之謀告公不得言公懼也文選思元賦注獄中士梁王書注引此竝作公遽見之僖二十四年左傳作公見之皆無懼字陳氏芳林外傳攷正刪懼字是也。

匡困資無

救乏振滯匡困資無韋注曰匡正也正窮困之人家大人曰匡與救同意僖二十六年左傳曰彌縫其闕而匡救其災成十八年傳曰匡之困救災患杜注匡亦救也

宋眾無乃彊乎

我不許曹衛之請是不許釋宋也。宋眾無乃彊乎。韋注曰：不許釋宋，宋降于楚，其眾益彊。家大人曰：如韋注，則是楚眾彊，非宋眾彊矣。殊與傳文不合。竊謂彊當讀爲僇，僇，戮也。見呂氏春秋貴卒篇注。言宋國之眾將爲楚所戮也。故僇二十八。年左傳曰：不許楚言，是棄宋也。彊之爲僇，猶驅之爲僇。陳君閤道碑：車馬彊頓。彊，卽僇之假借。

歸瘠不可使言聾聵不可使聽

聵，瘠不可使俛。賊施不可使仰。僂，僂不可使舉。侏儒不可使援。矐，矐不可使視。聵，瘠不可使言。聾，聵不可使聽。童昏不可使謀。韋解聵聵二字云：口不道忠信之言爲

歸耳不別五聲之和爲聾家大人曰傳言不可使言不
可使聽則聾瘖爲不能言之人聾聵爲不能聽之人韋
氏以左傳釋之非其本指也凡事理之相近者其名卽
相同籛條戚施侏儒皆疾也故人之不肖者亦曰籛條
戚施侏儒邶風新臺篇曰燕婉之求籛條不鮮又曰燕
婉之求得此戚施鄭語曰侏儒戚施寔御在側近頑童
也皆謂不肖之人也淮南脩務篇注云籛條偃戚施僕
皆醜貌也故物之粗醜者亦曰籛條戚施方言曰籛之
粗者自闕而西謂之籛條太平御覽引薛君韓詩章句
曰戚施蟾蜍喻醜惡是也侏儒短人也故梁上短柱亦

謂之侏儒淮南主術篇曰脩者以爲捫撻短者以爲朱
備枿櫨是也不能言謂之瘖故不言亦謂之瘖吳子春
秋諫篇曰近臣嘿遠臣瘖是也不能言謂之瞽不能聽
謂之聵故口不道忠信之言亦謂之瞽耳不聽五聲之
和亦謂之聵左傳僖二十四年富辰所云是也故事理
之相近者既有本意卽有僭義說經者不以本義廢僭
義不以僭義亂本義斯兩得之矣

惠慈二蔡 誣於蔡原

誣於蔡原而訪於辛尹韋注曰蔡蔡公原原公引之謹
案蔡讀爲祭公謀父之祭漢書古今人表有祭公與號

中號。叔閔天南宮。迄辛甲同時。卽此所謂詢於八虞而
咨於二虺。度於閔天而謀於南宮。諏於蔡原而訪於辛
尹者也。昭王時有祭公隕於漢水。穆王時有祭公謀父
春秋隱元年祭伯來。桓八年祭公來。莊二十三年祭叔
來。聘蓋皆文王時祭公之後。路史後紀曰。祭事文王受
商之命。蓋別有所據也。祭爲畿內之邑。字本作鄒。說文
釋周邑也。故穀梁傳以祭伯爲
畿內諸侯。若凡蔣邢茅胙祭之祭。隱元年左傳正義以
爲畿外之國。桓十一年杜注云。陳畱長垣縣東北有祭
城。其是與。韋注周語以祭
公謀父爲周公之後。非也。祭與蔡古字通。呂氏春秋音
初篇周昭王及蔡公扞於漢中。僖四年左傳正義引此
作祭公。古今人表亦作祭公。墨子所染篇。幽王染於蔡

公穀呂氏春秋皆染篇作祭公敦春秋鄭祭仲易林既
濟之鼎作蔡仲漢安平相孫根碑祭足作蔡足皆其證
也逸周書祭公篇禮記緇衣引作葉公亦是借蔡爲祭
因譌而爲葉也上文曰孝友二號而惠慈二蔡此言咨
於二號卽上文之二號則此言詎於蔡亦卽上文之二
蔡也二蔡蓋二人皆會邑於祭者惠慈猶惠愛也固不
必變子而後謂之慈也說者以二蔡爲管叔蔡叔失之
管蔡不賢豈得置武王周公而變管蔡乎

矇矇脩聲 不脩天罰

矇矇脩聲家大人曰脩當爲循字之誤也

隸書循脩二字相亂說見

前謹脩其法下循聲者循琴瑟之聲而歌詠也王制正義引此

正作循宋十行本明開本監本又引舊注歌詠琴瑟是

其證聲為歌之所循故曰循聲射義曰射者循聲而發若作脩聲

則義不可通韋本當亦是循字故注云無目於音聲審

故使循之而今本注文亦誤作脩矣又下卷晉為盟王

而不脩天罰將懼及焉韋注曰脩行世家大人曰脩與

行不同義脩亦當為循循天罰行天罰也甘誓曰今予

惟其行天之罰是也韋注訓為行則其為循字可知說

循順
行也

以為大政 子為大政

使卻穀將中軍以爲大政韋注曰大政大掌國政家大

人曰韋說非也政讀爲正

正政古多通用不煩枚舉

爾雅曰正長也

卻穀將中軍爲卿之長故曰大正以爲大正猶曰以爲

正卿耳昭十五年左傳孫伯黶司晉之典籍以爲大政

杜注曰孫伯黶晉正卿漢書五行志作大正是其證也

多方曰越惟有胥伯小大多正書大傳正作政逸周書嘗麥篇曰王命大正正刑書

又子產對韓

宣子曰以君之明子爲大政其何厲之有

昭七年左傳同亦謂

宣子爲正卿也成六年左傳子爲大政杜注曰中軍元

帥是也韋注曰大政美大之政亦非

冀缺稱

曰季使舍於冀野冀缺耨其妻饁之敬相待如賓從而問之冀芮之子也家大人曰冀缺耨上有見字而今本脫之自冀缺耨至相待如賓皆言曰季之所見如此下文從而問之云云亦從見字生出若無見字則隔斷上下語脈矣藝文類聚人部四太平御覽人事部四十三引國語皆作見冀缺耨僖三十三年左傳同

戰

是故伐備鍾鼓聲其罪也戰以錙于丁寧敝其民也家大人曰戰非戰鬥之戰何以明之鍾鼓錙于丁寧皆戰所必用不得以鍾鼓屬伐以錙于丁寧屬戰以是明之

戰讀爲憚憚懼也。

見上文注。

此承上大罪伐之小罪憚之而

言言伐之則必備鍾鼓所以聲其罪也若憚之而已則但用錙于丁甯所以儆其民也白虎通義引書大傳曰戰者憚警之也廣雅曰戰憚也。大戴記曾子立事篇曰君子終身守此戰戰又曰君子終身守此憚憚魯語帥大讎以憚小國說苑正諫篇作戰莊子達生篇以鉤注者憚呂氏春秋去尤篇作戰戰與憚古同聲同義故字亦相通。

余病喙

卻獻子傷曰余病喙家大人曰喙下有矣字而今本脫

之則語勢不完喙字亦作𦘔方言𦘔𦘔也

𦘔𦘔古郭璞曰

今江東呼極爲𦘔音𦘔

王篇屬困極也大雅縣篇維其𦘔矣毛傳𦘔困也

外傳

曰余病𦘔矣太平御覽兵部八十七引作余病𦘔矣成
二年左傳作余病矣皆有矣字

以愁御人

卻獻子伐齊齊侯來獻之以得隕命之禮曰寡君使克
也不腆敝邑之禮爲君之辱敢歸諸下執政以愁御人
韋注曰愁願也御人婦人也願以此報君御人之笑已
者引之謹案說文愁說也言以此說君之御人耳韋訓
愁爲願以願御人則爲不釐故又申之曰願以此報君

御人之笑已者殆失之迂矣

使勿兜

於是乎使工誦諫於朝在列者獻詩使勿兜韋注曰兜
惑也宋庠補音曰案人名有驩兜器名有兜鍪它無所
訓徧閱經典子史未見兜惑之說將先儒自有所據其
散亡乎引之謹案兜當爲典說文典靡蔽也從人象左
右皆蔽形讀若贅勿兜謂勿靡蔽也說文之訓殆出賈
侍中國語注乎韋注訓爲惑則其字益當作典蓋典之
爲言猶疊也疊惑也爾雅曰疊疑也疑亦惑也昭元年
左傳曰女惑男謂之疊是也典與兜形相似後人少見

鬼少見典故典訓爲兜矣

是先主覆露子也

韋注曰露潤也引之謹案露與覆同義覆露之言覆慮也包絡也釋名釋天曰露慮也覆慮物也釋宮室曰廬慮也取自覆慮也淮南時則篇包裹覆露無不囊括春秋繁露基義篇天爲君而覆露之地爲臣而持載之漢書鼂錯傳今陛下配天象地覆露萬民嚴助傳陛下垂德惠以覆露之皆謂覆慮之也若訓露爲潤則與覆異義矣而高誘注淮南亦訓露爲潤顏師古注漢書訓露爲膏澤且云或露或覆言養育也不知露卽訓覆覆露

爲古人之連語上下不殊義也。

過由大

夫戰刑也。刑之過也。過由大而怨由細。故以惠誅怨。以忍去過。細無怨而大不過。而後可以武。刑外之不服者。今吾刑外乎大人而忍於小民。將誰行武。引之謹案。過由大。過字後人所加。刑之過也。由大。六字本連讀。言刑之失也。由大臣有罪而不刑也。韋氏誤分爲二句。於刑之過也。注云。刑殺有過者。於由大。注云。由大臣也。不知刑之過也。四字乃起下之詞。非別爲一句也。後人不察其誤。又於由大二加過字。則與上四字義不相屬矣。韋

注怨由細云怨望者由小細民也而注由大則云由大臣也而不及過字則由大上無過字可知

君臣不相聽

與其君臣不相聽以爲諸侯笑也益姑以違變夷爲恥乎韋注曰不相聽謂惠公不與慶鄭相聽以隕於韓先穀不與林父相聽以敗於邲先軫不與襄公相聽以亡於箕冢大人口君臣不相聽指厲公與欒卻中行諸人而言士文曰吾君將大其私暱而益婦人用不奪諸大夫田則焉取以益此諸臣之妾室而徒退者將與幾人正所謂君臣不相聽也韋以欒武子所說三事當之誤

矣

圉公

樂武子中行獻子圉公於匠麗氏家大人曰圉當作圉
成十七年左傳云公遊于匠麗氏樂書中行偃遂執公
焉呂氏春秋驕恣篇云樂書中行偃劫而幽之或言執
或言幽或言圉皆謂囚之也今本圉作圉則非其旨矣
古圉圉字本作圉說文口圉圉圉所目拘舉人史記秦
始皇紀贊虛國國而免刑戮漢書司馬遷傳渙幽圉圉
之中皆是也圉圉字相似因誤爲圉齊策則是圉塞天
也墨子備城門篇乃足以守圉韓子揚權篇主將謹圉
淮南詮言篇以圉強敵今本圉字竝誤作圉又楚語王

孫開采明道本作圖。因學紀聞亦引作圖。史經傳通用
記陳世家文公圍春秋世族諸作幸一作幸。圖字。宣四年左傳。圖伯麻于轅陽而殺之是也。圖字
亦相似。

刑史

無乃不堪君訓而陷於大戮以煩刑史。韋注曰。刑刑官
司寇也。史大史掌書法也。引之謹案。司寇者。典刑之官。
不得直謂之刑。大史非掌刑之官。不得與司寇並舉。韋
說非也。刑史謂刑官之史。掌刑書以贊治者。周官刑官
之屬。鄉士遂士。史皆十有二人。王制曰。成獄辭。史以獄
成。告于正。鄭注曰。史司寇吏也。陷於大戮。則刑官之史。

得書其罪故曰以煩刑史

二月乙酉

二月乙酉公卽位引之謹案晉行夏時二月當爲十二月成十八年左傳春王正月晉欒書中行偃使程滑弑厲公而此文上云厲公七年冬難作始於三卻卒於公則魯之正月晉以爲冬蓋晉之十一月也由是推之則魯之二月爲晉之十二月內傳曰二月乙酉朔晉悼公卽位于朝則此當日十二月乙酉公卽位矣成十六年傳正義引此作正月乙酉又引孔晁云二月乙酉言正月者記者誤也案正字卽十二之合譌

使呂宣子佐下軍至故以彘季屏其宗

使呂宣子佐下軍曰郟之役呂錡佐知莊子於上軍韋注

日上晉獲楚公子穀臣與連尹襄老以免子羽騶之役爲下

親躋楚王而敗楚師以定晉國而無後其子孫不可不

崇也孫字衍說見下條使彘恭子將新軍曰武子之季文子之

母弟也武子宜法以定晉國至於今是用文子勤身以

定諸侯至於今是賴夫二子之德其可忘乎故以彘季

屏其宗引之謹案悼公卽位之年魯成公之十八年也

十八年左傳晉士魴來乞師季文子問師數於臧武仲

對曰伐鄭之役知伯實來下軍之佐也今彘季亦佐下

軍。杜注。如伐鄭河也。襄九年傳。韓起少於欒。而欒

季上魴。如伐鄭河也。襄九年傳。韓起少於欒。而欒

歷士魴上之。使佐上軍。杜注曰。歷魴讓起。起佐上軍。歷

將下軍。魴佐之。又滕人薛人從欒。歷士魴門于北門。注

曰。二國從下軍。是佐下軍者。欒恭子非呂宣子也。下文

呂宣子卒。公以趙文子爲文也。韋注。文子而能恤大事

使將新軍。將。今本誤作。佐。辯見下。令狐文子平。公乃以魏絳爲不

犯。使佐新軍。襄九年左傳。魏絳多功。以趙武爲賢。而爲

之佐。杜注曰。武新軍將。又杞人。鄭人從趙武。魏絳斬行

栗。注曰。二國從新軍。是趙文子爲新軍將。呂宣子卒。而

趙文子始將新軍。則先趙文子而將新軍者。呂宣子也。

是將新軍者呂宣子非彘恭子也傳寫者上下錯亂耳
上當云使彘恭子佐下軍而以曰武子之季云云次於
其下下當云使呂宣子將新軍而以曰邲之役云云次
於其下今更訂其文如左

使彘恭子佐下軍。曰武子之季。文子之母弟也。武子宣
法以定晉國。至於今是用。文子勤身以定諸侯。至於今
是賴。夫二子之德其可忘乎。故以彘季屏其宗。使呂宣
子將新軍。曰邲之役。此云邲之役。邲之役下文云昔克
路之役。此云其子不可不崇也。不
文云其子不可不興也。兩呂錡佐知莊子於下軍。獲楚
事相連。故文義亦相似。
公子穀臣與連尹襄老。以旆子羽。鄢之役。親朕。楚王而

敬楚師以定晉國而無後其子不可不崇也。

子孫

其子孫不可不崇也。家大人曰。孫字後人所加。呂宣子呂錡之子也。故曰其子不可不崇。不當有孫字。左傳成十八年正義引此無孫字。下交其子不可不興也。亦無孫字。

聰敏肅給

知羊舌職之聰敏肅給也。韋注曰。肅敬也。給足也。引之謹。案肅之言速。給之言急也。爾雅曰。肅速也。肅速疾也。論語公冶長篇禦人以口給。孔傳曰。佞人口辭捷給。皇

倪疏曰給捷也管子大匡篇曰隰朋聰明捷給荀子非
十二子篇齊給便利楊倞注曰齊疾也給急也是肅給
皆疾也聰敏言其通達也肅給言其敏捷也四字義相
貫注韋注失之

道逆

使張老延君轡於四方。且觀道逆者。韋注曰且觀察諸
侯之有道德與逆亂者。引之謹案道猶順也。謂觀察諸
侯之順命與逆命者。楚語違而道從而逆。道與逆相反。
正與此同。是道爲順也。管子小閒篇百川道年穀孰亦
謂百川順也。若以道爲有道德。則與逆字義不相當矣。

管子君臣篇順理而不失之謂道論衡本性篇引陸賈曰人能察已所以受命則順順之謂道據此則道德之道亦以順得名。

使佐新軍

呂宣子卒公以趙文子爲文也而能恤大事使佐新軍

韋注曰說云新中軍也

朱本如是

昭謂時但言新軍無新中

軍

宋本無下脫新字

引之謹案下文始云使魏絳佐新軍此不

當與之複故舊說以新軍爲新中軍以別於下文之新

軍而韋氏駁之以時無新中軍則新軍與下文無別下

文令狐文子卒公乃使魏絳佐新軍則先魏絳而佐新

軍者令狐文子而非趙文子也其不得以趙文子爲佐

新軍明矣。今案佐字涉下文使佐新軍而譌。佐當爲將。呂宣子本將新軍。宣子卒。故公使趙文子將新軍也。襄九年左傳魏絳多功。以趙武爲賢而爲之佐。杜注曰武新軍將。又祀人卿人從趙武。魏絳斬行栗。注曰二國從新軍。是趙文子將新軍。魏絳佐之也。蓋其始也。呂宣子將新軍。令狐文子佐之。及二子卒。則趙文子將新軍。而魏絳佐之。故上文云使呂宣子將新軍。呂宣子今本誤作魏恭子。詳見上。使令狐文子佐之。此及下文云呂宣子卒。公以趙文子爲文也。而能恤大事。使將新軍。令狐文子卒。公以魏絳爲不犯。使佐新軍也。合前後考之。而傳寫之譌誤可

得而正矣。

比義

臣請薦所能擇而君比義焉。韋注曰：比，比方也。義宜也。楚語教之訓典，使知族類行比義焉。韋注曰：比，義義之與比也。又楚語其智能上下比義，其聖能光遠宣朗，韋注曰：義宜也。引之謹案：以上三言比義，義字皆當讀爲儀。說文曰：儀，度也。比儀者，比之度之也。周語曰：儀之於民而度之于羣生。又曰：不度民神之義，不儀生物之則。儀與義古字通。說見前婦義事也下云：臣請薦所能擇而君比義焉者，言願君比度而行之也。云：教之訓典，使知族類行

比義焉者行猶用也言使知事之族類而用其比度若
學記言比物醜類也云其智能上下比義者言巫之智
能上下比度以事神也比義即比度非比於義之謂也其智能上下比義其望能充遠
宣明上下比義充遠義與比意相近故言比可以兼義
宣明八字皆平列晉語云能上下比之是也襄三十年左傳女待人婦義
事也義事謂度事而行也說見前婦義事也下字又通作議昭六
年左傳晉先王議事以制亦謂度事也說見前議事以制下韋注
訓義爲宜又以行比義爲義之與比皆失之

女工妾 輅車

鄭伯嘉來納女工妾三十人韋注曰女美女工樂師傳

曰賂晉侯以師攄師蠲是也。妾給使者。女工妾凡三十人。或云女工有伎巧者也。與傳相違失之矣。引之謹案。內外傳亦有不相合者。不可強同。內傳師攄師蠲師蠲凡三人。不言女妾。而此曰女工妾三十人。則與內傳殊義。且上言女。下言妾。而中乃言樂工爲不倫矣。唯或說差爲近之。蓋女工妾長於女工之妾也。成二年左傳。曾賂楚以執斲。執鍼織紵。皆百人。杜注曰。執鍼。女工織紵。織繒布者是。以女工妾爲賂之證。又案下文曰。輅車十五乘。內傳則曰。輿車輶車淳十五乘。凡兵車百乘。二者亦不合。韋注率合內傳而曰輅。輿車也。輶。輶車也。

十五各十五也亦失之廣車不得謂之輅輅車亦不得但謂之車輅車者路車也又不得以輅車爲二物

厚其外交而勉之

彼若不敢而遠逃乃厚其外交而勉之以報其德韋注曰謂賂其所適之國厚寄託之而勸勉焉引之謹案此謂寬其外罪無取於勸勉也勉當讀爲免古字勉與免通詳見左傳賴前免之謂免其外秋官鄉士若欲免之

則王會其期僖三十三年左傳若從君惠而免之是也上文云滅之此云免之相對爲文昭七年左傳朔於敝邑亞大夫也獲戾而逃唯執政所冀之得免其外爲惠

大矣是遠逃者以免外爲幸也。

及爲成師

及爲成師居大傅家大人曰師當爲帥字之誤也爲成帥者爲成公之中軍帥也唐注曰爲成公軍帥兼大傅官今本帥字亦譌作師韋注引宣十六年左傳晉命士會將中軍

且爲大傅皆其證也潛夫論志氏姓篇作爲成率居大傅率與帥同襄二十七年左傳正義引作及爲元帥元字蓋後人所改而帥字則不謬

置茅蒹設望表

晉成王盟諸侯于歧陽楚爲蒹薊置茅蒹設望表與鮮

牟守燎故不與盟韋注曰置立也。蕝謂束茅而立之所。以縮酒望表。謂望祭山川立木以爲表。表其位也。史記叔孫通傳索隱引賈逵注曰束茅以表位爲蕝。說文曰蕝朝會束茅表位曰蕝。引春秋國語曰致茅蕝。蓋本此。引之謹案會盟無縮酒之文。韋注非也。當以賈說爲長。竊謂置茅蕝者未盟之先。擯相者習儀也。習儀則必爲位。故以茅蕝表之。漢書叔孫通傳說朝儀曰爲縣蕝。野外習之。如淳注曰謂以茅翦樹地爲纂位尊卑之次也。引春秋傳曰置茅蕝。顏師古曰蕝與蕝同。然則置茅蕝之義當與縣蕝相似。蓋爲習儀而設也。周官小宗伯凡王之會同軍旅甸役之禱祠禴

儀爲位是其比類也。望表盟之日所以表位者也。望而知其所立之處故曰望表。淮南說林篇曰植表而望則不惑是也。設望表者豫爲王及諸侯之位以木表之。若覲禮上介皆奉其君之旂置于宮。公侯伯子男皆就其旂而立也。昭十一年左傳朝有著定會有表會朝之言必聞于表。著之位杜注曰野會設表以爲位是其明證矣。韋以爲望祭山川亦非。上云盟諸侯下云守燎所言者皆會盟之事不得雜以祭神也。

木樅

夫絳之富商韋蒲木樅以過于朝。韋注曰木樅木檐也。

引之謹案書傳無訓捷爲擔者捷當作搏淮南人間篇
負糞粟而至欲經音義卷十一引作搏載粟米而至又
引許权重曰捷擔之也廣韻曰搏擔運物也方展切木
捷者蓋繫物於橫木之兩端而中荷之若今之扁擔是
也捷與捷字形相似學者多見捷少見搏因譌而爲捷
矣宋庠補音音其假反失之

文錯其服

金玉其車文錯其服葦注曰文文織錯錯錯也引之謹
案服不可以錯葦說非也文錯猶文繡也漢書地理志
注引世本曰錯叔繡文王叔繡字錯蓋取繡文交錯

之義秦策曰秦韓之地形相錯如繡淮南齊俗篇曰富人帷幕茵席綺繡條組青黃相錯皆其證也爾雅釋旗名云錯革鳥曰旗謂交錯其文畫爲急疾之鳥說見畫文謂之錯繡文亦謂之錯其義同也

五日

五日公見子產賜之莒鼎家大人曰五日下午當有瘳字平公從子產之言祝夏郊而疾瘳故賜之莒鼎若無瘳字則與下文意不相屬據韋注云祭後五日平公有瘳故見之則似所見本已脫瘳字若有瘳字則不必如此詞費矣然說苑辯物篇止作五日瘳公見子產昭七年

左傳亦云。晉侯有閒。賜于產。莒之二方鼎。則有𦵏字是也。

諄趙鞅

曾孫蔽賁。以諄趙鞅之故。韋注曰。諄佐也。舊音諄之。閏反。補音又之。純反。說文。苦曉之孰也。它書或訓佐也。從去聲。與韋注合。舊音得之。引之謹案。書傳無訓諄爲佐者。諄當爲諒。大雅大明篇。涼彼武王。毛傳曰。涼佐也。釋文。涼本亦作諒。同力尙反。佐也。是韋注所本也。諒與諄相似。因誤爲諄。後人又據已誤之正文。改不誤之注耳。說文及廣韻俱無諄佐也之訓。惟玉篇諄字云。佐也。蓋

後人據誤本國語增入非顧氏原文也

歛經音義十三云諄亦左也左

與佐同蓋唐時國語及注諄字已誤作諄故元應承用之也

曹風鳴鳩篇毛傳貳疑

也貳誤爲忒

說見其儀不忒下

而玉篇遂收入忒字注廣雅卒

極也卒誤爲乎而玉篇遂收入乎字注姁餘盈也匪勿非也傳寫者脫去上也字與非也混爲一條而玉篇餘字注遂收非也之訓皆後人所增也

尋飯

襄子將食尋飯有恐色家人曰尋字義不可通尋當

作專專古搏字

周官犬司徒其民專而長釋文事徒丸反

專與尋字形相近

故專誤爲尋曲禮毋搏飯鄭注曰爲欲致飽不謙此言

其會不當搏飯也。若獨會則不嫌矣。鹽鐵論取下篇搏梁齧肥搏梁卽搏飯也。呂氏春秋慎大篇載此事正作搏飯。

是天啟之心也

鄭語。叔熊逃難於濮而蠻季紉是立。遠氏將起之禍。又不克。是天啟之心也。韋注曰。啟開也。天開季紉。故叔熊不得立。有心字誤。家大人曰。韋以下文天之所啟。卽世不替。啟下無心字。故以有心字爲誤也。今案天啟之心。謂啟季紉之心也。叔熊不得立。是天啟季紉之心。使之紹其先業也。晉語曰。非天誰啟之心。襄二十五年左傳。

曰天誘其衷。啟敝邑心。昭二十七年傳曰。天啟叔孫氏之心。則有心字不誤。下文天之所啟。與此相承而不相背也。

淳耀

夫黎爲高辛氏火正。以淳耀敦大。天明地德。光昭四海。故命之曰祝融。韋注曰。淳。大也。耀。明也。敦。厚也。言黎爲火正。能治其職。以大明厚大。天明地德。故命之爲祝融。祝。始也。融。明也。家大人曰。韋訓淳爲大。義本爾雅。爾雅作純義然云。大明厚大。天明地德。則不詞矣。予謂淳耀敦大。光昭皆二字平列。淳字本作煇。煇。明也。耀。光也。言能光

明天明厚大地德也。下文云：祝融能昭顯天地之介明。即其證。說文：煇，明也。春秋傳曰：煇燿天地。蓋約舉卽語之文也。崔瑗河閒相張平子碑曰：亦能煇燿敦大天明地德。其字竝作煇。昭二十九年左傳正義引此亦作煇。今本作淳者，俗字耳。大元元測序盛哉日平。丙明離章。五色淳光。范望亦云：淳，明也。漢書楊雄傳：光純天地。純亦明也。李奇訓：純爲緣，亦失之。煇淳純古竝通用。

民煩

楚語：故堯有丹朱，舜有商均，啟有五觀，湯有大甲，文王有管蔡。夫豈不欲其善，不能故也。若民煩，可教，則蠻夷

戎狄其不賓也久矣中國所不能用也章注曰煩亂也
家大人曰民讀爲泯泯煩皆亂也昏亂之人故不可教
訓玉篇泯彌忍彌賓二切滅也又泯泯亂也是泯與民
同音大雅桑柔篇靡國不泯釋文泯而忍反 秉誥曰天
性與我民彝大泯亂泯亦亂也呂刑曰民興胥漸泯泯
芬芬遂周書祭公篇曰文無泯泯芬芬厚顏忍醜孔晁
注泯芬亂也芬與 泯芬與民煩聲近而義同哀公問曰
寡人蠢愚冥煩冥煩與民煩聲義亦相近故賈子大政
篇曰夫民之爲言也冥也萌之爲言也旨也孝經授神
契亦曰民者冥也見大雅靈

臺正義

若合而面吾中

雍子謂樂書曰楚師可料也。在中軍王族而已。若易中下。楚必歆之。若合而面吾中。吾上下必敗其左右。則三萃以攻其王族。必大敗之。韋解合而面吾中曰。合合戰也。由入也。舊音曰。面音咸。或爲音。音滔補音曰。今本並作面。家大人曰。面訓爲容。不訓爲入。音卽或春或揄之揄。亦不訓爲入。作面作音。皆面字之譌也。面本作面形。與面相似。故譌而爲面。面字俗書作面。與面字尤相似也。又胡猷切。面書也。面字俗書作面。與面字尤相似也。玉篇曰。部有面字。胡耽切。面鑑書作面。故玉篇誤收入。曰部說文面小阱也。從人在。曰上春地坎可面人。今經傳通作陷。
案廣雅。面坑也。吳越春秋句踐人臣外傳。

百餓之予論衡談曰竊葬避九空地百漢武都太守李
翕天井造碑堅無百潰面狹頌刻百確崑其字皆作百
今經傳相承作陷未必非後人所改也楚語之
百吾中若非謂爲函則後人亦必改爲陷矣 三篇陷

墜入地也廣韻陷入地隕也是百與入同義故傳曰百

吾中

僖四年公羊傳曰大陷于沛澤之中

故韋注訓百爲入也宣十二年

左傳曰莛子以偏師陷陷字亦與此同義舊音及補音

皆不知函爲百之譌相承音感失其義矣史記禮書函

及士大夫集解曰函音含索隱作陷云陷音含鄒誕生

音徒濫反案函亦百之譌百陷聲相近故鄒誕生本作

陷裴駟司馬貞音含皆失之也漢書司馬遷傳函糞土

之中而不辭函亦百之譌漢紀作身陷糞土之中而不

辭是其證經傳中自字既相承作陷而國語之自字中
史記之自及士大夫漢書之自糞土之中又皆譌而爲
面後人多見面少見自遂莫有能正其失者矣宋賈昌朝羣經音義
音辭面字有三音一音成直也一音含容也一音陷小阱也是直不辨面自之爲二字其失甚矣

踟庶

不聞其以土木之崇高形鑠爲美而以金石匏竹之冒
大踟庶爲樂華注曰踟譁也庶眾也引之謹案踟亦眾
也高誘注淮南脩務篇曰踟眾也小雅十月之交篇譁
口囂囂箋曰囂囂眾多貌囂與踟同踟庶謂聲音之眾
多也。

吾不服諸夏而獨事晉

韋注曰不服心不服也。引之謹案韋意蓋謂諸夏事晉靈王心不服矣。今案而者連及之詞。吾不服諸夏而獨事晉當作諸夏不服吾而獨事晉。傳寫者誤創其文耳。昭十二年左傳楚子曰昔諸侯遠我而畏晉。正所謂諸夏不服吾而獨事晉也。若作吾不服諸夏而獨事晉則義不可通矣。韋據誤本作注故失其指。

廷見

左史倚相廷見申公子亹。韋注曰廷見見於廷也。引之謹案下文曰子亹不出則在家。非在朝也。不得言廷見。

廷當爲廷廷與往同謂往至子亶之家而請見故下文
曰子亶不出也說文曰廷往也又曰往之也古文作廷
襄二十八年左傳君使子展廷勞於東門之外漢書五
行志廷作往襄二十八年傳又曰伯有廷勞於黃崖三
十一年傳曰印段廷勞於裴林皆是也廷與廷字相似
故廷譌作廷廣雅廷歸也今本下文闕且廷見令尹子
常廷亦廷之譌

師長士

自卿以下至於師長士韋注曰師長大夫引之謹案經
傳言師長者有二義有訓爲公卿者盤庚邦伯師長百

執事之人傳曰。師長公卿是也。有當訓爲士者。楚語自卿以下。至於師長士是也。蓋上言卿下言士。而中包大夫。故曰以下。曰至於。猶言自天子以至於庶人。中包公卿大夫士耳。如以師長爲大夫。則師長卽在卿之下。何得言自卿以下。至於師長士乎。墨子尚同篇引先王之書。相年之道曰。夫建國設都。乃作后王君公。輕大夫師長。於大夫之下。言師長。則師長爲士矣。襄二十五年左傳曰。百官之正長。師旅是也。祭法。官師一廟。鄭注曰。官師。中士下士。官師卽此師長士也。

懿戒

於是乎作懿戒以自儆也。家大人曰：戒字涉注文戒書而衍懿，卽大雅抑之篇也。可謂之懿詩，不可謂之懿戒。案韋注云：三君云懿，句戒書也。昭謂懿，句詩大雅抑之篇也。懿讀曰抑。三君及韋注皆釋懿字而不及戒字。則正文原無戒字明矣。宋庠補音出作懿二字而釋之云：注讀曰抑，詩抑篇是也。而不言懿戒，則庠所見本亦無戒字明矣。玉海五十九引此始有戒字。說命正義小大雅譜正義大雅抑正義鈔本北堂書鈔藝文部六陳禹謨本增戒字，竝引作作懿以自儆無戒字。

右執殤宮

余左執鬼中右執殤宮韋注曰中身也禮記曰其中退然子歆曰殤殤宮殤之居也執謂把其錄籍制服其身知其居處若今世云能使殤矣家大人曰韋以殤宮爲殤之居非也殤之居則不可言執故又爲之說曰謂把其錄籍制服其身知其居處殆失之迂矣宮讀爲躬中躬皆身也執殤躬猶言執鬼中作宮者假借字耳

象夢

而又使以象夢旁求四方之賢得傳說以來并以爲公家大人曰象夢當爲夢象謂以所夢見之人作象而使求之也據韋注云思賢而夢見之識其容狀故作其象

而使求之則正文之作夢象甚明今本夢象二字倒轉則文義不順潛夫論五德志篇載其事云乃使以夢象求之四方側陋得傳說升以爲大公卽用國語之矣

心類德音

齊桓晉文心類德音以得有國韋注曰類善也引之謹案類之言率也率循也言其心常循乎德音也下文觀射父曰使心率舊典者爲之宗語意與此同率與類古同聲同義而字亦通用漢書尹翁歸傳類常如翁歸言率獄多類注率猶類也考工記梓人注是取象率焉率音類本又作類又音律祭義古之獻薦者其率用此與率音類又音律又所律反凡釋文內率字之音多如世

自詰

近臣諫遠臣誨與人誦以自詰也。韋注曰：詰告也。引之謹案爾雅詰誓謹也。郭注曰：皆所以約勒謹戒。爾今本作勒據明吳元恭本。自詰者自戒敕也。上文曰：徧武公作懿以自儆，義與此同。

光遠宜朗

其智能上下比義，其聖能光遠宜朗。其明能光照之，其聰能聽微之。引之謹案：下光爲光明之光，上光則廣大之廣。周語中篇叔父若能光裕大德，韋注曰：光廣也。下篇日壺也者，廣裕民人之謂也。下篇緝明也，熙廣也，卽爾雅緝熙光也。

之亮

亮與廣通詳見易亮字下

光遠者廣遠也廣與遠同義宜朗者

明朗也明與朗同義宜訓為明詳見詩宜昭義問下

陸

祖考頌光遠之度宜朗之明義大國語於光遠言度於宜明言明亦是以光為廣以宜為明也

齊肅

毛以示物血以告殺接誠拔取以獻具為齊敬也敬不可久民力不堪故齊肅以承之韋於上齊字注曰齊潔也於下齊字無注但云肅疾也引之謹案韋意於下齊字蓋亦訓為潔故蒙上注而省其文也今案下齊字當訓為疾與肅同意故以齊肅連文爾雅曰肅齊疾也敬不可久故欲其疾速也玉藻曰君子之容舒遲見所尊

者齊遯舒也遲也皆緩也齊也遯也皆疾也

說見本條興此

齊肅同義

滯久而不震

夫民氣縱則底底則滯滯久而不震生乃不殖引之謹案震振也興也晉語曰底箸滯淫誰能興之是矣韋注訓震爲懼失之又周語曰弗震弗渝脉其滿貲穀乃不殖韋注曰震動也此云不震不殖亦與同義。

勤民以自封

民多曠者而我取富焉是勤民以自封也韋注曰勤勞也封厚也引之謹案勤病也民多曠而我取富非勞民

乃病民也病民以自封猶言厲民而以自養也爾雅瘞病也釋文曰瘞音勤字亦作慙瘞勤慙字異而義同楚語又曰是聚民利以自封而瘠民也瘠民猶病民

聞一善

聞一善若驚得一士若賞家大人曰聞一善本作聞一善言今本無言字者蓋後人以上句多一字故刪之以對下句耳不知古人之文不必字字相對且善言入於耳故曰聞刪去言字則文義不明後漢書文苑傳注文選薦禍衡表注楊荊州誄注引此竝作聞一善言

憲臧否

龜足以憲臧否則寶之章注曰憲法也取善惡之法家
大人曰法臧否之語不詞余謂憲者表也表臧否以示
人故曰龜足以憲臧否犬雅崧高篇文武是憲周官小
司寇憲刑禁箋注並曰憲表也

既能得入

若來而無寵速其怒也若其寵之教貪無厭既能得入
明道本而曜之以大利不仁以長之恩舊怨以脩其心
如是苟國有憂必不居矣引之謹案凡當爲人能得人卽上
文所謂其愛也足以得人也曜之以大利謂示其人以
大利也下文動而得人卽承此句言之若作入字則義

不可通上文曰來曰寵正謂入國之後見寵於子西不當又言得入也且得入由於子西之召何能之可言乎元明諸本不解其義而改能爲而誤益甚矣

從逸

吳語故婉約其辭以從逸王志使淫樂於諸夏之國以自傷也韋注曰從順隨也家大人曰從讀爲縱縱逸猶放逸也舊植酒賦流情縱逸韋以從爲順隨則誤分從逸爲二義

於其心也戚然

夫越王之不忘敗吳於其心也戚然韋注曰戚猶惕也家大人曰諸書無訓戚爲惕者說文忒惕也春秋國語

曰於其心忒然然則今本作戚乃忒字之譌而韋所見
本正作忒不作戚故與說文同訓爲惕也廣雅曰忒愼
愼也玉篇曰愼心動也廣韻曰忒意愼忒也義與惕竝
相近。

不敢左右

吳王夫差使行人奚斯釋言於齊曰寡人帥不腆吳國
之役遵汶之上不敢左右唯好之故家大人曰廣雅敢
犯也言不犯君之左右唯有恩好之故也韋注以爲不
敢左右暴掠齊民失之。

獵震也

今大夫國子與其猷庶以犯獵吳國之師徒韋注曰獵
震也家大人曰震與獵義不相近諸書亦無訓獵爲震
者震當爲虐犯獵連文故訓獵爲虐爾雅獵虐也郭注
曰陵獵暴虐是其證虐說文本作虐隸省作虐見司隸校尉魯
峻其下半與辰字相似虐字隸或作丑與震字上半亦
相似舊本國語虐字作畏因譌而爲震矣。

奮其朋勢

請王厲士以奮其朋勢韋注曰朋羣也勉厲士卒以奮
激其羣黨之勢家大人曰朋讀爲馮馮勢盛怒之勢也
方言曰馮怒也楚曰馮郭璞注曰馮志盛貌昭五年左

傳今君奮揚震電馮怒杜預注曰馮盛也楚辭天問曰
康回馮怒是馮爲盛怒也作朋者假借字耳史記田完
世家之韓馮韓策作韓朋藝文類聚寶部下引六韜曰
九江得大貝百馮淮南道應篇作大貝百朋是馮與朋
古字通猶溯河之溯通作馮也。

士卒

陳士卒百人以爲徹行百行行頭皆官師

今本作官帥
辨見下條

擁鐸拱稽建肥胡奉文犀之渠十行一嬖大夫建旌提
鼓挾經秉枹十旌一將軍執常建鼓挾經秉枹萬人以
爲方陳皆曰常白旂素甲白羽之矜望之如荼王親秉

鉞載白旗以中陳而立。家大人曰。上文秣馬食士。士卽卒也。此旣言卒。則無庸更言士。士卒當爲王卒。字之誤也。王卒者。中軍之卒也。中軍從王。故其卒謂之王卒。左傳哀十一年。吳子伐齊。中軍從王。胥門巢將上軍。王子姑曹將下軍。展如將右軍。戰於艾陵。展如敗高子。國子敗胥門巢。王卒助之。大敗齊師。是王卒皆在中軍也。自陳王卒。至王親秉鉞載白旗以中陳而立。皆指中軍言之。下文言左右軍亦如之。而此不言中軍者。言王卒。則中軍不待言也。三軍陳法皆同。所不同者。左尚赤。右尚黑。而中則尚白耳。今本王卒作士卒。則無由知其爲中

軍之卒。既不專指中軍。則不得言白常曰旂素甲白羽之矜矣。文選吳都賦劉逵注引此正作陳王卒。宋尤表本如是各本王作士乃後人依俗本國語改之。

官帥

行頭皆官帥。補音云帥音所類反。今官私諸本多作官

帥。非是。按史記馮唐傳云爲官卒將。

卒當爲率。卽帥字也。說見讀書雜誌

史記晉灼注。

此漢書注非史記注

百人爲徹行皆帥將也。史記索隱

正引吳語曰百人爲徹行皆官帥。賈逵云百人爲一卒。

卽一隊也。官帥隊大夫也。若作帥字殊無意義。明道本

正文注文皆作官帥。陳氏芳林亦以爲非。說見案劉淵

林吳都賦注引作官帥是也賈公彥周禮小宰疏引作
官師非也干祿字書收帥帥二字云。上通下正蓋當時
寫書偶用通體點畫僅豪釐之別因遂成師字耳家大
人曰宋陳二說皆非也案韋注云三君皆云官師明道
是各本依宋說改師爲帥大夫也昭謂下言十行一嬖大夫此一行
宜爲士周禮百人爲卒卒長皆上士據韋注則所見本
正作官師也何以明之祭法官師一廟鄭注云官師中
士下士也襄十五年左右傳官師從單靖公逆王后于齊
杜注云官師劉夏也正義引釋例云元士中士稱名劉
夏石尚是也是官師卽士也而韋云此宜爲士則正文

之作官師甚明說內外傳者或以官師爲大夫襄十四

年左傳官師相規杜注云官師大夫此蓋本於舊注故

韋此注云三君皆云官師大夫也案三君以官師爲大夫非也說見左傳官

師賈景伯卽在三君之內其注當云百人爲一卒卽一

隊也官師隊大夫也是三君皆以官師爲大夫韋以下

文有大夫故不從三君而以官師爲士也漢書馮唐傳

爲官帥將晉灼曰百人爲徹行亦皆帥將也見史記此集解

但言百人爲行當有帥將以統之未嘗言國語有官帥

之文至小司馬所見本始譌作官帥故引賈注亦作官

帥而公序遂奉爲定本矣帥帥字形相似帥可譌爲師

師亦可謬爲帥吳都賦及注作官帥未必非傳寫之譌而韋注云此宜爲士又引周官卒長皆上士徧考經傳士稱官帥而不稱官帥則當作官帥明矣鄭仲師注周官小宰引此正作官帥故賈疏亦作官帥非誤也國語舊本多作官帥亦非誤也鈔本北堂書鈔樂部四引國語吳都賦皆作官帥而陳禹謨又改爲官帥矣行頭皆官師者在平時則爲官師在此時則爲一行之長亦猶十行一嬖大夫在平時則爲大夫在此時則爲十行之長也十旌一將軍亦是平時爲卿而此時爲將軍故周官云軍將皆命卿也又云師帥皆中大夫旅帥皆下大

夫卒長皆上士是大夫皆得稱帥而士則但稱卒長不得稱帥也此行頭爲百人之長卽卒長也安得稱爲官帥乎且官帥之名不見於經至史記始有官率將之語不得援以爲據

譁鉦

三軍皆譁鉦以振旅韋注曰譁鉦譁呼也舊音鉦音口家大人曰說文鉦金飾器口也玉篇音口與譁呼之義無涉鉦當讀爲哢字或作哢俗作吼說文哢厚怒聲玉篇呼垢切文選江賦注引聲類云哢噪也燕策云哢籍叱咄一切經音義十九引國語三軍譁哢又引賈逵注

云。响譁也。與韋注謹呼同義。作釐者。僭字耳。當音呼垢反。不當音口。

天子

今君掩王東海。以淫名聞於天子。家大人曰。天子當爲天下。此涉上下文。天子而誤也。韋注曰。淫。僭也。名號也。以淫名聞於天下。謂天下皆知吳之僭號。非獨聞於天子而已也。左傳哀十三年正義。文選王粲贈文叔良詩。注引此竝作聞於天下。

許諾

孤敢不順從君命。長弟許諾。家大人曰。許諾二字。涉下

文吳王許諾而衍。上文吳王責晉侯曰。君億負晉歟。庶將不長弟以力征。一二兄弟之國。故此文董褐復命曰。君若無卑天子而曰吳公。孤敢不順從。君命長弟。此下不當有許諾二字也。左傳正義。文選注。引此皆無許諾。

蒲盧

其民必移就蒲盧於東海之濱。韋注曰。蒲。淡蒲也。盧。蚌蛤之屬。引之謹案。蒲盧。卽蒲盧。蛤屬也。廣雅曰。蚌。食蒲盧也。夏小正。十月。雉入于淮。爲蜃。傳曰。蜃者。蒲盧也。鄭注。月令曰。大蛤曰蜃。是蒲盧爲蛤屬也。中山經曰。青要之山。南望瑱瑱。是多僕縶蒲盧。郭注以蒲盧爲爾雅之果。盧蒲盧非也。僕縶蒲

盧皆贏蚌之屬故單渚生之若果贏
 蒲盧為細腰土蜂非水濱所宜產也高誘注淮南倣真
 篇曰贏蠡薄贏也薄贏猶蒲贏耳蒲贏之為薄贏猶
蒲姑之為薄蠡
 蠡蒲盧蒲贏薄贏皆一聲之轉韋注分蒲贏為二物而
 以蒲為淡蒲非也淡蒲與贏於文既為不類且淡蒲所
 在皆有不必海濱若蚌蛤之屬則海濱為多故說文曰
 蛤有三皆生於海也

遷軍接餼

明日遷軍接餼與和同韋注曰上下皆餼引之謹案上下
 皆餼不待遷軍而始然且下文人有致歿之心方言其
 效不得於未斬有罪之前豫言上下皆餼也今案餼軍

門也。周官大司馬以旌爲左右和之門。鄭注曰：軍門曰和。今謂之壘門，立兩旌以爲之。韓子外儲說左篇曰：李悝與秦人戰，謂左和曰：速上。右和曰：已上矣。又馳而至右和曰：左和已上矣。燕策曰：齊韓魏共攻燕，楚王使景陽將而救之。魏軍其西，齊軍其東，楚師欲還，不可得也。景陽乃開西和門，通使於魏。是和，有左右，每和立兩旌。又各有左右，或先或後，以次立之。故曰接和。接之言使也。次也。廣雅曰：序，使，筵，弟，次也。說文：使，侯也。侯，遞也。侯與次通，遞相及，亦次序也。捷與接通。猶捷之作接，捷之作接，捷之作接也。接和者，次和也。西京賦曰：次和樹表，是其義也。遷軍接和，則壁壘已成，部曲已定。

乃斬有罪者以徇耳。或曰：孫子軍爭篇「交和而舍」，注：「兩軍相對為交，和即接和。」此說非也。此時吳越尚未交戰，不得言兩軍相對。下文方云：於是吳王起師，一曰：接餽。地名，明日遷軍接餽，猶上文言明日徙舍至於禦兒也。

載稻與脂

越語：「句踐載稻與脂於舟以行。」國之孺子之遊者，無不舖也，無不歆也。韋注：「舊稻糜，脂膏也。」引之謹案：「稻不得訓為糜，稻當作稗。」注：「稻字同，稗音浮。」字之誤也。廣雅：「稗，糜餽也。」稗與稗同。月令：「行糜粥飲食。」淮南時則篇：「作稗。」道藏本用

是今本改。是稗卽糜也。故韋注訓稗爲糜。載稗與脂以脂與醫相雜若內則注所謂膏脂也。下文曰無不舖無不飲。飲飲也。必醫而後言飲。則舖爲稗之誤明矣。不然。稍穀名也。但言載稍。則春與未春。炊與未炊。皆未可知。弱子何以無不舖。而宏嗣又何以知其爲糜也。宋庠補音及舊音。稍字皆無音釋。蓋已不知其爲稗字之誤矣。

是故敗吳於圓。又敗之於浞。又郊敗之。

韋注敗吳於圓曰。圓笠澤也。在魯哀十七年。注又敗之於浞曰。浞地名。此下俗本增在哀十九年五字。宋明道本無之。案哀十九年左傳。越人侵楚。以

誤吳也。未嘗有伐注。又郊敗之曰。在哀二十年十一月
吳之事。宋本是也。

越圍吳。引之謹案。敗吳於圍。又敗之於沒。又郊敗之。皆
一時之事。不得分爲十七年二十年也。吳語。越王乃令
其中軍銜枚而涉。不鼓不譟。以襲攻之。吳師大北。越之
左軍右軍。乃遂涉而從之。又大敗之於沒。又郊敗之。三
戰三北。乃至於吳。是三敗皆一時之事也。蓋左傳越之
伐吳。凡再舉而滅之。哀十七年三月敗吳於笠澤。二十
年十一月圍吳。至二十二年十一月丁卯而滅吳。是也。
吳語越語。則皆以爲一舉而滅吳。故有三敗而滅吳之
文。二者傳聞各異。不可強同。韋欲率合左傳。分爲前後

兩年而反與吳語之文大相刺謬疏矣。

天地之刑

夙生。因天地之刑。韋注曰。刑法也。殺生必因天地四時之法。家大人曰。刑讀爲形。形見也。天地之刑。謂夙生之兆。先見於天地者也。生與殺必因乎此。故曰。夙生因天地之形。下文曰。天地形之。聖人因而成之。又曰。天地未形而先爲之。征其事。是以不成。管子勢篇曰。夙生。生因天地之形。天地形之。聖人成之。皆其證也。形刑古多通用。不煩枚舉。

四年 又一年 又一年 又一年

四年王召范蠡而問焉章注曰說云魯哀三年昭謂四年反國四年魯哀九年又一年注曰反國五年魯哀十年又一年注曰反國六年魯哀十一年又一年注曰反國七年魯哀十二年引之謹案四年承上在吳三年言之謂在吳三年之明年也注三年當爲五年蓋吳註越成在魯哀元年句踐宦吳三年而反則在哀四年章注以爲哀之五年其明年則哀五年矣故舊說云魯哀五年也非也見下下文上天降禍於越委制於吳吳人之那不殺亦又甚焉蓋距宦吳未久道其受辱之辭其爲反國之明年明甚其下文言又一年者三則爲反國之二年三年曰年

在魯哀之六年七年八年矣。合在吳之三年。凡歷七年。
故史記越王句踐世家云。句踐歸自會稽。七年拊循其
民。欲用以報吳也。再合居軍之三年。凡歷十年。故下文
范蠡曰。十年謀之也。韋以四年爲反國四年。魯哀九年
三言又一年。爲反國之五年。六年七年。魯哀之十年十
一年十二年。皆失之。又案左傳。夫差殺子胥。在哀十一
年。而越語則句踐反國之三年。時當哀七年。上見便云申
胥驟諫。王怒而殺之。蓋記者傳聞各異。不可強同。韋以
宦吳三年而反爲哀五年。加以反後六年。爲哀十一年。
以求合於十一年。殺申胥之事。不知越人行成。在哀元

年。宮吳三年而歸。在哀四年而非五年。縱加反國之六年。亦財十年。其時尚未殺申胥也。况四年爲反國之明年。再二年爲反國之三年。而非六年乎。越語之文本不與左傳相當。無事規規求合也。

上帝不考

上帝不考。時反是守。韋注曰考。成也。言天未成。越嘗守天時。天時反乃可以動家大人曰。韋注文義不明。考當讀爲巧。反猶變也。言上帝不尚機巧。惟當守時變也。漢書司馬遷傳。聖人不巧。大史公自序時變是守。顏師古注曰。無機巧之心。恒順時也是也。古字考與巧通。故金

滕子仁若者。史記魯周公世家作且巧。

至於元月 居軍三年

韋注至於元月曰爾雅曰九月爲元。謂魯哀十六年九月也。至十七年三月。越伐吳。注居軍三年。吳師自潰。曰魯哀二十年冬十一月。越圍吳。二十二年冬十一月。丁苑滅吳。引之謹案。此以左傳說之也。不知越語之文。與左傳不同。左傳哀十七年三月。越伐吳。越語則以反國之四年九月伐吳。四年說見上。左傳以伐吳之後三年圍吳。又三年而滅之。越語則自反國之四年伐吳。乃遂居軍三年。待其自潰而滅之。左傳自伐吳至滅吳。凡六年。自

七年至二十二年。越語自伐吳至滅吳。凡三年。左傳自越及吳

平至滅吳。凡二十二年。哀元年傳所謂二十年之外吳

其爲沼也。越語自越及吳平至滅吳。凡十年。而吳三年

歷四年至九月而伐吳。居軍三年吳潰而滅吳。凡十年也。下文范蠡所謂十年謀之

也。史記越世家作謀之二十年也。越語之年月非左傳之年

月也。不然則事同左傳文亦當然。豈有至於元月在哀

十六年而不箸其爲何年者乎。又豈有興師伐吳在十

七年三月而不箸其爲何年何月者乎。又豈有居軍三

年在伐吳之後三年而不箸其年之相距者乎。至於元

月上承又一年之文。則爲反國四年之九月矣。韋注王

特之

曰。自此後四年。遂興師伐吳。上承至於元月之文。則爲
乃遂伐吳。非也。九月伐吳矣。居軍三年。上承伐吳之文。則伐吳之後。遂
居軍以困之矣。本書節次。本自顯然。何得亂以左傳之
年月乎。

用人無藝往從其所

後無陰蔽。先無陽察。用人無藝。往從其所。剛彊以禦陽
節不盡。不泐其野。彼來從我。固守勿與。韋解用人無藝
二句曰。藝射的也。無藝無常所也。行軍用人之道。因敵
爲制。不豫設也。故曰從其所也。引之謹案。韋說非也。用
人無藝。當屬上二句爲義。往從其所。則屬下句爲義。用

人無藝者人猶厭也言用厭之道無常也後無陰蔽先
無陽察用人無藝三無字相應爲文往從其所者其所
敵人之所也言往從敵人之所而彼尚能以剛彊禦我
則其陽節未盡未可卽滅故曰不灰其野也蔽察藝爲
韻察古讀若際繫辭傳萬民以察與契爲韻宋玉高唐賦九竅通鬱精神察與旆蓋遊會害逮歲爲韻淮南原道篇施於四海際天地文子道原篇作施於四海察於天地所禦野與爲韻以是明
之。

經義述聞弟二十一